

Edizione diplomatico-interpretativa

Naimeric depiguillan	N'Aimeric de Peguilhan
	I
<p>L J fol eil put eil filol. Creison trop enomes bel. Eil croi ioglaret nouel. Enojos emal parlan. Corron unpauc trop enan. Eson ia li morderor. p(er) un de nos dos delor. Enon es qui los nes qerna.</p>	<p>Li fol e·il put e·il filol creison trop, e no m'es bel, e·il croi joglaret novel enojos e mal parlan corron un pauc trop enan; e son ja li morderor per un de nos dos de lor, e non es qui los n'esqerna.</p>
	II
<p>G reu mes car hom los o col. Enon lor en fai reuel.non o dic contran sordel. qel non es daital semblan. ni nois uai ges p(er)cassan. Si coil caullier doctor. mas qan faillon prestador. no(n) pot far cinc ni sieis terna.</p>	<p>Greu m'es car hom lor o col e non lor en fai revel. Non o dic contra·N Sordel, q'el non es d'aital semblan ni no·is vai ges percassan si co·ill cavallier doctor, mas qan faillon prestador, non pot far cinc ni sieis terna.</p>
	III
<p>L omarques part pinarol. que ten salus ereuel. non uoill ges que des clauel. desacort ni an loignan. p(er)sa ual q(ue) sap denfan. Esser maestre etutor. ni un autre tirador. q(ue)u no uoill dir de luserna.</p>	<p>Lo marques part Pinarol, que ten Salus e Revel, non vuoll ges que desclavel de sa cort ni an loignan Persaval, que sap d'enfan esser maestre e tutor, ni un autre tirador, qu'eu no vuoll dir, de Luserna.</p>
	IV
<p>A itals los a cum los uol. Lomarques decantarel. nicholet etrufarel. que uenon ab lui euan. Enon deltot pel lor dan. Beis son trobat dun color. Aitals uassals tal seignor. Dieus lor done uita eterna.</p>	<p>Aitals los a cum los vol lo marques, d'E Cantarel, Nicholet e Trufarel, que venon ab lui e van e non del tot pel lor dan. Be·is son trobat d'un color: aitals vassals, tal seignor! Dieus lor done vita eterna.</p>
	V

<p>A r ueiretz uenir lestol. Vas malespi na el tropel. don an la carn ela pel (et) ades on pieitz lor fan. E meins dem(er)ce lor an. trop son li combatedor. epauc li defendedor. mort son si dieus nols gouverna.</p>	<p>Ar veiretz venir l'estol vas Malespina e-l tropel, don an la carn e la pel. Et ades on pieitz lor fan e meins de merce lor an, trop son li combatedor e pauc li defendedor: mort son si Dieus no·ls governa.</p>
	VI
<p>E stampidas eromor. Sai que faran entre lor. menassan enla tauerna.</p>	<p>Estampidas e romor sai que faran entre lor, menassan en la taverna.</p>

- letto 417 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-1808>